

gno Leonis, **LEOPOLDVS** nimirum **IGNATIVS**:
florem Tuum intensissimo Virtutis calore sic animâsti; ut tribus
vitæ lustris exactis, prævenerit maturitate Nestoreos annos alio-
rum. Fabulosos Heroas ingentibus Saxis Poëtæ in hostes ar-
mant, quæ humo tollere hominum cæterorum queat nemo. Et
florem Tuum, tenerum quidem, propaginem tamen verorum
Heroum, quibus moles Orbis, nunquam interruptâ serie, à sæcu-
lis jam duobus innixa est, sustinere mirabimur onus Regni, quod
subire humeri Atlantis formidarent? sustinet; atque ætate fir-
mior (ita Superi spondent) alia sustinebit: nec sustinebit tantum;
sed per eadem, **DEI** Tuisq; hostibus gravis ultor incumbet. Ac
Thalmudici quidem, Hierosolymis hortos conseri ullos fas fuisse
negant: eam ob causam fortasse, quòd urbs illa Sanctissimo Divini
Numinis templo, cælestibusq; ornamentis insignis, terrenas deli-
cias videretur respuere. Hortum autem meum accedere **T**e vo-
lentem, si Regius splendor arcet; (Reges enim viva Dei templa,
aut **Dij** potiùs estis terreni) recedere tamen parantem flos Tuus
revocat, & benignissimi Solis, quo favente crevit, radium unum
plantis illius promittit; quæ prostratæ hætenùs injurijs tempo-
rum, ut Borealibus perniciem, sic Austriaco debere se perennita-
tem æternùm profitebuntur. Ita voveo

Maj^{tis}. V. Reg:

Humillimus in Christo Servus,

Michael Boym, S. I.